

‘ndel sòn el me compagna
‘na nina nana dolcia
postà lì arènt al cör
che ‘l smaca fis de dent

pò ‘l par che ‘l scampia ‘n migol
ma birichin ‘l se sconde
dedent quei oci mori
che ‘l par sia ‘n sol che ride

e ‘l torna, pan pianin
al calt lì ‘n mez ai braci
par farse strenger struc
en mez ‘ pensieri tebi

en pel spavènt el ciuta
quel sol che ‘ndòra ‘l bos’c
che ‘l slagrima poesie
svegliandose cilenc

me pares sempro ti
quel bel che vedo ‘ntorn
quel lugherìn content
che ‘l subia ‘n cant de amor

e ‘l sgola fin su ‘n zima
quei rami ‘nfioramadi
fasendo i bòzoi tendri
la sò cunota morbida

pò ‘l se svezina ‘ncor

pogiandose 'nle man
come se 'l fusa 'n nìo
sognando 'l sò doman

Giuliano